



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მინის კადასტრი

მინის კადასტრი, ელექტრონული განახლებადი საინფორმაციო სისტემა, რომელიც შეიცავს ცნობების ერთობლიობას მინის ნაკვეთების შესახებ. გამოიყენება მიწასთან დაკავშირებული მრავალმხრივი ინფორმაციის მოსაპოვებლად. მინის რეგისტრაციის მსგავსად, კადასტრი მოიცავს მიწაზე ჩანაწერების ნაკრებს.

მ. კ. შეიცავს ინფორმაციას უძრავი ქონების შესახებ – საკუთრების გეომ. მონაცემებს (კოორდინატებს, რუკებს); მისამართებს; ცნობებს მიწათსარგებლობის შესახებ; სარგებლობის ფორმასა და ხანგრძლივობას (პერიოდს); დეტალებს შენობებისა და ბინების კონსტრუქციის, მოსახლეობის შესახებ; მინის დაბეგვრის ღირებულებას. მონაცემები შეიძლება უკავშირდებოდეს მინის ცალკეულ ნაკვეთებს ან მოიცავდეს სხვადასხვა საკუთრებას ისე, როგორც მიწათსარგებლობის ზონებად დაყოფისას. მონაცემების გამოყენება შეიძლება მიწის კერძო ტრანზაქციების, მიწის ბაზრის განვითარების ან ეკონომიკის სხვადასხვა სექტორის (სოფლის, სატყეო და თევზის მეურნეობები, გარემოს დაცვა, მრეწველობა, მშენებლობა და სხვ.) მართვის ხელშესაწყობად. მ. კ. იქმნება დაბეგვრისა (მაგ., ფასის დადგენა და სამართლიანი საგადასახადო შეფასება) და იურიდ. მიზნებისათვის (საკუთრების გადაცემა), მინის რესურსების მართვისა და მიწათსარგებლობისათვის (მაგ., დაგეგმარება და სხვა ადმ. მიზნები), ასევე მდგრადი განვითარებისა და გარემოს დაცვისათვის.

არქეოლ. გათხრების შედეგად მოძიებულია მ. კ-ის არტეფაქტები, რ-იც თარიღდება ძვ. წ. 4000-3000 წლებით. თურქეთში ინახება თიხის ფირფიტებზე გამოსახული უძველესი კადასტრული რუკა. ძვ. წ. III ს-ში რომის იმპერიაში ხდებოდა მინის აღრიცხვა. ევრ. ქვეყნებში მ. კ-ის წარმოება დაიწყო VIII ს-იდან. მანამდე მინის რეგისტრაციის იურიდ.

პროცესებს განაგებდნენ ცალკეული იურისტები და ჩანაწერები კეთდებოდა საადგილმამულო წიგნში, კადასტრი კი წარმოიშვა და განვითარდა როგორც მიწის დაბეგვრის ხელშემწყობი სისტემა.

საქართველოში საკადასტრო სამუშაოები ჩატარდა XIII ს-ში მონღოლების მიერ მოსახლეობის ხარკის გასაწერად. ვახტანგ VI-ის სამართლის წიგნთა კრებულში (1705–09) საუბარია სათემო მიწების ე. წ. აღლუმებად (გვარებისთვის მიწის თანატოლი რაოდენობით განაწილება თემში შემავალი სოფლების მიხედვით) განაწილებაზე. მიწის სავარგულების აღრიცხვა საქართველოში XX ს. 40-იანი წლებიდან დაიწყო, ხოლო თანამედროვე საკადასტრო სამუშაოები ჩატარდა 60–70-იანი წლებიდან აეროფოტოგადაღებებისა და მსხვილმასშტაბიანი გეგმების შედგენის საფუძველზე.

2004 წ. 1 იანვრის მდგომარეობით საქართვე. მთლიანი ფართობი შეადგენდა 7628000 ჰა-ს, მ. შ. სას.-სამ. სავარგული – 3026300 ჰა, სახნავი – 802100 ჰა, მრავალწლოვანი ნარგავები – 264000 ჰა, სათიბი – 143500 ჰა, საძოვარი – 1796600 ჰა, ტყე – 2838300 ჰა, წყლით დაკავებული მიწები – 876500 ჰა. სტატისტ. ეროვნ. სამსახურის 2014 აღწერის მიხედვით, საქართველოში მეურნეობების სარგებლობაში იყო 787,7 ათასი ჰა სასოფლო-სამეურნეო მიწა, აქედან სახნავი მიწის ფართობი – 377,4 ათასი ჰა, მრავალწლოვანი ნარგავებისა – 109,6 ათასი ჰა, სათიბების და საძოვრების – 300 ათასი ჰა, სათბურების – 0,7 ათასი ჰა. ტყის ფონდი შეადგენდა 3015,4 ათას ჰა-ს, აქედან ტყით დაფარული იყო 2807,8 ათასი ჰა. ამჟამად საქართვე. მ. კ-ს ახორციელებს იუსტიციის სამინისტროს საჯარო რეესტრის ეროვნ. სააგენტო. ერთიანი საკადასტრო დაფარვის შექმნის მიზნით სააგენტოში გეოინფორმაციული ტექნოლოგიებისა და ინფორმაციული სისტემების, ერთიანი მუდმივმოქმედი საბაზისო სადგურების ქსელის –

GeoCORS-ის, სპეც. პროგრამული უზრუნველყოფისა და თანამედროვე ტექნოლოგიების გამოყენების მეშვეობით მიმდინარეობს მიწის სისტემური რეგისტრაციის რეფორმა საქართველოს მუნიციპ-ებში. საკადასტრო მონაცემების ციფრულად წარმოების პროცესის მხარდასაჭერად შემუშავებულია სატელიტური და აეროგადაღების 10-წლიანი პროგრამა, რ-ის ფარგლებშიც უკვე გადაღებულია 10 ათასი კმ², რუკის რეზოლუცია 20 სმ პიქსელზომბაა. სისტემური რეგისტრაციის მიმდინარე პროექტის ფარგლებში ამომილია 1,5 მლნ-ზე მეტი მიწის ნაკვეთი, ხოლო საკუთრების უფლება დარეგისტრირებული 1,0 მლნ-ზე მეტ მიწის ნაკვეთზე (2024). სისტემური რეგისტრაციის რეფორმის დასრულების შემდეგ (2025) შეიქმნება ერთიანი, სრულყოფილი საკადასტრო მონაცემთა ბაზა და საბოლოოდ იდენტიფიცირდება კერძო, სახელმწიფო თუ მუნიციპალური საკუთრება.

აღნიშნული პროექტების შედეგების მიხედვით ეტაპობრივად იქმნება ჰარმონიზებული ურთიერთთავსებადი გეომონაცემები და მათზე წვდომა შესაძლებელი გახდება საჯარო რეესტრის ეროვნ. სააგენტოს ინტერაქტიული რუკის, ასევე ამავე რუკის მობილური აპლიკაციის მეშვეობით.

სივრცითი ეროვნ. გეოპორტალის უმთავრეს საბაზისო მონაცემებს მიეკუთვნება მიწის საკადასტრო და სარეგისტრაციო მონაცემები, ორთოფოტოგეგმები. ეს ინფრასტრუქტურა შექმნილია სახელმწ. უწყებების მიერ წარმოებული სტანდარტიზებული, აქტუალური, ვალიდური და ავტორიტეტული გეოგრ. მონაცემების ერთი წერტილიდან გაზიარების მიზნით. ეროვნ. გეოპორტალის მომხმარებელთა მხრიდან საკადასტრო მონაცემებზე განსაკუთრებით დიდი მოთხოვნა არსებობს. ამჟამად გეოპორტალი მუშაობს სატესტო რეჟიმში და მასზე სხვა სახელმწ. უწყებების მონაცემებთან ერთად განთავსებულია საჯარო რეესტრის ეროვნ. სააგენტოს მიერ მომზადებული 118 მონაცემი და 21 სერვისი.

ა. მესხიშვილი
